

詩

說

詩說卷第十

信安劉克學

大雅

文王

文王在上於昭于天周雖舊邦其命維新有周不顯帝  
命不時文王陟降在帝左右臺、文王令聞不已陳錫  
哉周侯文王孫子文王孫子本夫百世凡周之士不顯  
亦世、之不顯厥猶異、思皇多士生此平國王國克  
生維周之禎濟、多士文王以寧穆、文王於緝熙敬

止假我天命有商孫子商之孫子其履不億上帝既命  
侯于周服侯服于周天命靡常殷士膚敏裸將于京厥  
作裸將常服黼呼王之蓋臣無念爾祖無念爾祖率脩  
厥德永言配念自求多福殷之未喪師克配上帝宜鑒  
于殷駿命不易命之不易無道尔躬宣昭義問有虞殷  
自天上天之載無聲無臭儀刑文王萬邦作孚

三百篇之義莫遠于雅大雅三十餘詩文王為首吾  
夫子言道之興皆自此發之是安可以易言易知哉  
先儒謂周公所作信非他人所能與也妄意是詩之

大者三四端皆當先詳其旨以文王為同于天一也  
以文王本支之盛二也以周世生賢之衆三也以商  
家子孫之歸四也後二章似為成王發宜鑒殷而法  
文王此皆詩之大旨當周公作此詩也周之盛治已  
成推原文王之格天、之命文王見于人才之衆商  
士之歸皆非人力之能致此且國之大本成王所當  
知也周自大王翦商以來武王革命之後天下非遽  
為周也不遽為周者文武之至德是以武庚立而商  
祚尚存武庚殺而商命始終者文武之所以為大周

公之所以為難也如以其所窺識者言之牧野之師  
殷周之所以判也是詩無絲忽見焉如謂武王之功  
不應在文王之詩而文王造周必有大于牧野者焉  
然則此詩所言未易以淺近求也世儒習見後世興  
亡之迹例以後世禪代之事而求于聖人之盛特不  
詳思爾古者諸侯之歸天下共尊而王之則王矣充  
自唐虞而有天下者諸侯歸之也自是之後雖揖遜  
征伐少異大要群后百官尊奉而君之則君矣文王  
為西伯雖征伐諸侯諸侯本末君之也自虞芮質成

周遂受命故有九年大統未集之辭書稱十有一年  
武王伐殷十有三年大會孟津非受命之實則以何  
說為紀年之始乎是以商王周王並言而不嫌友邦  
庶殷兩不相溷者諸侯之歸周已受天命非在于武  
王收野之日也是詩之所主其大者出于天又其大  
者微子歸周所謂殷士祿將于周廟是不得強為之  
說也惟周公能知之耳此則非武王所得而庶几是  
以周公推本于文王而非另于立言之書于微子尊  
異之者凡同于堯舜禹書言稽古者四人而止尔周

公命微子乃曰惟稽古崇德象賢興唐虞稽古建官  
同稗吾夫子以微子荀子王仁書以微子名篇者豈  
再蓋微子以殷王元子而歸周豈若後世憐、之忠  
以天下之公為其家之私憐、不忍去者同年語哉  
是詩七章而兩章言商士之歸此豈漢世儒者所能  
預知哉周公謂成王宜鑒于殷夫乃與微子異乎曰  
不然周公之所言者天也天不可以聲臭求所可求  
者人之聖賢者尔因殷士之歸以驗天命之大不以  
殷而虞度之則是以天命之駁由已過之也則不足

以知文王不足以知文王則不知天矣  
孔子言才難九人而已三分天下有其二以服事殷  
周之德其可謂至德也已矣豈非思皇多士維周之  
楨乎此亦造周之大者也若令聞得于天之所祐域  
敬篤于賢之所歸則又此詩之一事已

### 大明

明、在下赫、在上天難忱斯不易維王天位殷適使  
不挾四方擊仲氏任自彼殷商來嫁于周曰嬪于京乃  
及王季維德之行大任有身注此文王維此文王小心



翼、昭事上帝，享懷多福，厥德不回，以受方國。天監在下，有命既集。文王初載，天作之合，在洽之陽，在渭之涘。文王嘉止，大邦有子，大邦有子，倪天之妹，文定厥祥，親迎于渭，造舟為梁，不顯其光。有命自天，命此文王，于周于京，纘女維莘，長子維行，篤生武王，保右命爾，夔伐大商，穀商之旅，其會如林，矢于牧野，維予侯興，上帝臨女，無貳尔心，牧野洋洋，檀車煌煌，駟騶彭彭，維師尚父，時維鷹揚，涼彼武王，肆伐大商，會朝清明。

此詩言文武並世任姒嗣音之盛，非天命不及此也。

若以明、為文王赫、為武王則上下二字悖矣詩  
之首章蓋未逮及武王也殷適似若微子以元子不  
立殷所以亡絕商于適子肇周于任似天命之赫、  
也自彼殷來嫁周雖曰追述商周已並列矣自大王  
居岐之陽詩人已曰實始剪商是以彼殷而京周也  
生文王又生武王有大任又有大妣是詩所以悉歸  
之天信非人力所能與也詩為武王作而本之文王  
者大原在文王也文王之聖自翼、小心始所以格  
天而受天下惟敬而已克舜以敬立君道文王以敬

成王業非他人可與故詩人曰維此文王小心翼翼  
所以能昭事上帝經德不回而受方國也至是天始  
監之而集大命焉自文王嘉止至不顯其光明大任  
之聖自初載至親迎聖德已宣布乃及王季則以大  
任為先若優于王季者為六韋始言天之命文王前  
此則眷顧之矣未明其為天命也自大姒之續繼始  
信其有天命矣何以明天命乎五百年王者興注聖  
人固不數也大任生文王未足言天命文武周公父  
子也而處則天命卓然矣于周于京其詞甚重不應

略也命之在周者文武也命之在京者任姒也故詩  
人以大姒之績承為天命也凡國家之興未有不由  
婦人者此非人力所及惟詩人知之耳自殷商之旅  
至無戒尔心此周之所以興也但上帝臨女无戒尔  
心非可以常言周自虞尚虞成至收野之師十有三  
年矣天之命周定矣武王親兵孟津而歸至是已兩  
年未果于進師也惟戊午師渡孟津之後始不容以  
諸侯退舍天下之衆除天下之害武王猶重為之進  
邇如此維予侯與箋謂諸侯當起為天子豈有終篇

王周此獨以侯為侯諱也晦翁曰侯維也如侯疆侯  
以之侯矧王周之既久乎詩人謹之曰上帝臨女无  
貳尔心周典至此積累至此師已渡孟津武王猶有  
甚不獲已之心所謂遲之遲而又久者乎雖違迷也  
其明聖人之心歟卒章專言收野之事在書以武王  
本心見于書者大抵多惧當時雖不取商以及邦之  
衆居天下三分之二其受命作周討國莫可知也非  
若姜里之可囚也然在武王固不容已于此闕宮亦  
于收野之師曰無貳無虞上帝臨女亦此意也是詩

簡而易見言興周如此之詳其孔商如此之略周之  
王不王不以商故也特指以為太公望之力故孔子  
曰發揚蹈厲太公之志也是以有鷹揚之喻會朝清  
明刻與箋二義皆勝箋謂朝為甲子昧真亦宜有之  
在書周之大事多言朝聖人與天參合無間亦俟天  
休命同意後世有兩齋之說容或似之

結

鯀、瓜地氏之初生自土沮漆古公顛父陶後陶穴未  
有家室吉公皇父來朝走馬率西水游魚于以下及

晏女幸來胥宇周原膳、置茶如飴是始爰謀爰契我  
龜曰止曰時築室于茲迺慰迺止迺左迺右迺疆迺理  
迺宣迺歆自西徂東周爰執事乃召司空乃召司徒俾  
立室家其純則直縮版以載作廟翼、棟之隙、度之  
堯、築之登、削屨馮、百堵皆興擊鼓弗勝迺立奉  
門皋門有仇迺立應門應門將、迺立冢土我既攸行  
肆不殄厥愠亦不隕厥問柝械拔矣行道允矣混夷駘  
矣維其喙矣虞芮厥成文王嘏厥生予曰有疏附予  
曰有先後予曰有奔奏予曰有禦侮

前二詩既備言文武興周之盛此詩又推本其所由以興者上不及后稷下不及公劉內不及姜嫄任姒外不及呂召畢芮其所紀者獨有異焉信非周公不能及也然則周之王業盡在此詩矣名詩以隸取喻以爪皆自微而大歸功于文王者豈深此周公之大旨也首章言古公亶父者太王之武王所謂肇基王迹者也易所謂王用亨于岐山又曰王用亨于西山者也言大王之遠岐遷及于文王之受命明周之所以王天命之所以定也三章以周原為地圓可似若



周視其原如度其隄原以其地之美生物之可以養人而築室焉四章經理之詳也五章似若已建國者焉所謂二年成都三年五倍其初者矣有官府有室家有廟祀六章歸之者衆皆樂為用矣七章所謂車門應門者王者之制也雖鄭氏強謂天子之宮加庫雉者曲說也大意欲證其不稱王之說朱氏雖謂皆無云諸侯有臯應者就使未有制度周公既作此詩亦宜不可溷其制玩其詞音亦尊死二上矣故以虞芮成終之明王業之所以大也後世陋儒以服

事商為文王至德無受命稱王之事自錮其說以為  
至論不知武王克殷之後殷命尚未終其服事商之  
節不但文武為然吾夫子亦歸之九人者也故是詩  
言王者之制而不為嫌中國有王者作矣夷狄自服  
故自王業之立文王誠以為非已致之惟知已有四  
輔而已造周之業實非文王事也猶孔子所謂九人  
乎

械模

芄、械、模、薪、之、想、之、濟、；  
辟、王、右、趣、之、濟、；  
辟、王、左

右奉璋奉璋峨峨、髦士攸宜。濟彼涇舟，烝徒楫之。周王于邁，六師及之。俾彼雲漢，為章于天。周王壽考，遐不作。人追琢其章，金玉其相。勉之，我王，綱紀四方。

此詩繼于前二詩之後，必有大有為者早麓，又其次為似若後世，莫能知此詩之旨，且以絳模喻人才，何其小也。謂人才衆多，相模屬而生，如春之連，如此可以見其盛。爾何足為周之有無哉？先儒謂前四詩皆周公所作，且後世之所不可知也，不可知而強言之，遺有害于詩旨。為爾姑以其臆說存之，以待知經者可。

也似若此詩非言周之多才也言諸侯歸之者衆從  
諸侯以朝周助祭者如此其盛首章已言濟、辟王  
左右趨之所歌在辟王之衆從辟王者不得不微之  
也故以棫樸名詩惟其人之微也所以見周之盛得  
諸侯之衆也鄭氏謂祭皇天上帝及王辰則聚積以  
燎之亦几于得詩人之旨也不然其二章尚為中言  
辟王奉璋髦士之宜乎此可以知詩人之大旨矣舟  
楫所以涉險此不嫌于衆故以烝徒為言從而歸之  
者衆明文王之王周備天子之軍容也四五兩章則

言周家之多賢、才之美大異于一世而王業之所  
以大也章猶坤卦含章可貞之章故以俾言本章復  
以章中言焉

早麓

瞻彼早麓榛楛濟濟、豈弟君子干祿豈弟瑟彼玉瓚黃  
流在中豈弟君子福祿攸降鸛飛戾天魚躍于淵豈弟  
君子邇不作人清酒既載騂牡既備以享以祀以介景  
福瑟彼柞械民所燎臯豈弟君子神所勞矣莫、蒿  
施于條枚豈弟君子求福不回

此詩之旨安在哉詩止六章而五章言福祿故序謂  
之百福千祿謂之受祖說者亦莫能出此為其為不  
知詩人之旨均也詳而求之其文王受命之後有事  
于上帝百神之詩尔故于旱山之麓而升中于天惟  
第三章鳶飛魚躍不及福祿者中庸所謂上下察也  
文王聖德上際下蟠感格天地天地降監之本也柞  
棧之燎燔柴也辭牡特牲也玉瓚裸將也視周頌是  
天成命之詩時未備其郊宗之制耳作人亦言助祭  
之臣工也卒章言葛藟者播種之瓜瓞本其所始于

周之先祖而後致王業也

思齊

思齊大任文王之母思媚周姜京室之婦大妣嗣徽音  
則百斯男忠于宗公神罔時怨神罔時恫刑于寡妻至  
于兄弟以御于家邦雖在官肅在廟不顯亦臨无  
射亦保肆戎疾不殄烈假不瑕不聞亦式不諫亦入肆  
成人有德小子有造古之人無教譽髦斯士

此詩言文王宮室之粹也不但任妣之聖自大姜國  
已肇興周之業矣非內有任妣文王之德曷為如此

之或三四兩章見文王閨門之內聖德之純卒章當以閨雝求之任姒之聖德達于天下賢才之衆皆自宮室之化形焉故詩人舉此以為任姒與周之實與周南相應成人以孔子魯論之言求之成德之彥也此詩之言成人則似不若是成人者始有成立猶冠義已冠而字之成人之道也見于兄弟兄弟拜之成人而與之為禮也年甫冠而有德也小子者猶童蒙也猶板之小子路也自成人小子而有好古之心此士之所以為髦士而書之所以聞也此文王之域



之化自宮庭積之詩之名齊者召南之有齊季女乎  
宗公其宗老乎卒章所以言肆者蓋人之性乎惟天  
下之至誠為能化

皇矣

皇矣上帝臨下有赫監觀四方求民之莫維此二國其  
政不獲維彼四國爰究爰度上帝耆之憎其式廓乃眷  
西顧此維與宅作之屏之其茁其弱脩之平之其灌其  
榑啟之辟之其楙其楛探之剔之其壓其柘帝遵明德  
串夷載路天主厥配受命既固帝苞其山柞械斯拔松

栢斯允帝作邦作對自太伯王季維此王季因心則友  
則友其兄則篤其慶載錫之光受祿無喪奄有四方維  
此王季帝度其心栢其德音其德克明克明克類克長  
克君王此大邦克順克比于文王其德靡悔既受帝  
祉施于孫子帝謂文王無然畔援無然歆羨誕先登于  
岸密人不恭敢距大邦侵阮祖共王赫斯怒爰整其旅  
以按徂旅以篤周祜以對于天下依其在京侵自阮疆  
陟彼高岡無矢我陵我陵我阿無飲我泉我泉我池度  
其鮮原居岐之陽在渭之將萬邦之方下民之王帝謂

文王予懷明德不大聲以色不長夏以革不識不知順  
帝之則帝謂文王詢尔仇方罔尔兄弟以尔鈞援與尔  
臨衝以伐崇墉臨衝闕、崇墉言、執執連、攸誠安  
安是類是禡是致是附四方以无悔臨衝第、崇墉佗  
佗是伐是肆是絶是忽四方以無拂

是詩與絲詩次雖遠似若相為表裏者

絲詩言大王此詩言王

李篇終皆以文王終之若追王大王、季之詩也武  
王稱王季勤王家不以其增崇王業也走詩言王季  
之興周幾與文王並而比于文王之辭若易之比建

萬國親諸侯者也惟此諸侯故比及于文王且周人之歌其先公先王詳矣未有推王季如此其盛也王季與周之實績經傳所略惟是詩有言之不能盡者又有加于是大伯以天下讓吾夫子之辭也不言以國而言以天下猶王季之王此大邦明霸商之于居岐受命之于成也詩亦曰作邦作對是詩又曰以對于天下故毛鄭以對為君謂配也大伯未嘗立亦均以作對言、天命也大伯居長宜立宜立而不立以立為讓亦立也天不注大王周之王業未可知有

古未有不以讓與國者夫子曰能以禮讓與之大本也王季不以襲位為心安受其讓者知天也故曰惟此王季帝度其心是心其與天為一乎大伯之至德惟見于魯論與此詩他經不及也詩人又發明其心之純于天非季札所可望故詩有兩則反之辭繼以則篤其慶、自此始也所以奄有四方歟特无喪二字必有所指不可臆也即此詩可以見吾夫子以天下讓之言惜書傳不備後世無以知其事姑以逃之文身二者言之大伯有不可奪之志而王季之友兄

又有難能者此上天所以度其心歎晉章之言與書  
多方天維求尔多方開厥顧天維尔多方罔堪顧之  
同意殷以失德下不獲乎上周以先位上不獲乎下  
上帝者之一語頗重而莫知所謂者者何頌之武曰  
者定尔功皆以致為訓似若上帝將致天命而增其  
用大故不大聲以色者帝所懷也二章指迂岐也聞  
荆棘以啟邦也呂成公援岐有夷之行為事夷之証  
若甚精確然以帝透明德一詞則鄭氏所謂昆夷者  
庸或有之是以岐山為受命之所夫易之用亨者兩

言西山岐山也三章繼以首山為辭四章言王季之  
所獨能生民卒章言后稷肇祀庶几罪悔此言其德  
靡悔是足以侔德于后稷矣五章以下言文王併六  
章皆言宥之服也畔援散彘程氏以義字為訓于辭  
旨得矣岍字莫可知鄭氏以為岸獄指虞芮質成也  
若以下文泉池取岸之義亦通要不若岸獄之切于  
一時也諸侯皆歸宥乃獨距兩章皆有侵阮之詞是  
亦自阮來侵也下有祖族之辭故鄭氏併以共為國  
以對為荅辭雖順此詩而言對不應異義對猶若也

七章依其在京義接對於天下而言以君國之勢依  
在我者為固密人自既而侵陟高下瞰周人曰無直  
犯我之陵我之山阪以山河為境也無飲我泉我之  
水泉潄為深池矣以此章自固之勝知前章整師旅  
自徂地而道絕之也七章凡兩帝謂文王見文王與  
天為一若相告語者大教長夏兩句當以類求毋相  
遠可也不識不知猶無敵無臭也則猶易之乃見天  
則之則此六句謂文王不肯應天命明文王之本心  
也惟其然也帝復謂之使伐桀也仇匹也使其以諸



侯伐崇也。八章自四方無侮。以上言文王不急于用  
師也。卒章則決于伐之矣。無侮言大邦畏其力。小邦  
懷其德也。無弗猶莫敢不來享。來王言庶邦丕享也。  
周之王業所以大歟。

### 靈臺

經始靈臺。經之營之。庶民攻之。不日成之。經始勿亟。庶  
民子來。王在靈囿。鹿鹿攸伏。鹿濯濯。白鳥鷩鷩。王在  
靈沼。於魚躍。虞業維樞。貢鼓維鏞。於論鼓鍾於樂肆。  
靡於論鼓鍾於樂肆。靡於論鼓鍾於樂肆。靡於論鼓鍾於樂肆。

詳是詩之辭蓋當時紀實之詩非追王後之詞也說者但以文王不受命為奇論一切徇之強通其詞王在靈囿靈沼與王在、鎬同辭是可強以為追詠之辭乎西伯戡黎止稱西伯自此以後皆以王言之武王渡師孟津之時告于皇天后土名山大川曰周王發將大正于商此時紂蓋未亡故野蓋未勝也周王之與商王蓋言而不欺三代之王後世之帝也王在靈囿謂之未耕王不可也既已受命稱王矣則王者之制度獨謂不當備乎應門皋門靈臺辟廱皆天子

之制受命以後事也按禮記四靈以為畜謂麟鳳龜  
龍也魚不滄鳥不猶獸不狘人情不失指四者之瑞  
以為靈故以名其臺園以為聖王之靈順乎如周南  
以麟趾為閔雉之應卷阿鳳皇于飛若麟鳳在郊然  
然則麋鹿魚鼈之在池園馴擾自得詩人指此以為  
靈而名其池臺園乎若非以為文王之靈德也前  
古謚法凡曰靈者君衛靈公所以為靈者非美也莊  
周謂辟雍為樂以是詩攷之則信是詩之言辟雍上  
文則鼓鐘之箕箒也下文則陳陳之奏公也其間以

鐘鼓為辟雍之器審矣沼園魚鳥之間謂教養作成  
之法在是可乎若以周家名樂用學校之名未為不  
可何則文王所重在得賢所務在作人以此名樂以  
此歌詠蓋聖人用心之地也是詩所紀皆一時實事  
不可以虛詞掩之也文王之什惟此詩為紀詠之寔  
乎唐李太白既娶而隱于山墅群鳥皆相忘各以名  
呼、則就掌孔禽守臣不之信親睦之遠舉有道見  
太白集中以文王聖德魚鳥之馴于庭戶殆非虛語  
當時親見而歌詠之此詩所由作乎孟子謂之靈德

故曰紀寔之辭也

下武

下武維周世有哲王三后在天王配于京王配于京世  
德作求永言配命成王之孚成王之孚下土之式永言  
孝思孝思維別媚茲一人應侯順德永言孝思昭哉嗣  
服昭茲來許純其祖武于萬斯年受天之祜受天之祜  
四方來賀於萬斯年不遐有佐

是詩辭甚近旨甚遠武者武王之廟號又武王之樂  
名而乃以武名詩而加以下之一辭要其義則何以

為下武乎其以三后為主則武王可以下言也武王之並稱于文王其道蓋未相遠文王受命作周者也非為生武王則周之為周未可知也下武猶後聖也有前聖必宜有後聖而後聖人之道備有文王而下有武王而後聖人之道成故詩人斷之曰下武維周又曰世有哲王作配于京文王之配合作都于錫京也二章中言武王之可以配文也求匹也惟武足以配之故王道至武而成故曰成王與書武成同意三章言武王足以信于天下定尔子孫于下地四方之

民罔不祗畏是也此武王所以為連考四章言諸侯  
同歸于武王而媚于天子天下皆順之如禮所謂福  
者備也備者百順之名畜之君與曰惟茲四人昭武  
王惟冒丕單稱德與詩同旨也故能昭其所嗣于九  
服之廣五章言九服諸侯所以來享來王者以武王  
之繼<sub>下</sub>其祖之跡也以祖武一辭明下武名詩之旨  
惟具有武王所以能為斯年得天之業也六章言萬  
年得天之業者以四方諸侯之歸也諸侯歸之則萬  
年之遠長為蕃屏之佐矣且一詩之中未嘗及革命

止以繼述為言先武之道不在功周之所以為周不  
在革命詩人所以皆言萬年歟

文王有聲

文王有聲通駿有聲通求厥寧通觀厥成文王烝哉文  
王受命有此武功既伐于崇作邑于豐文王烝哉築城  
伊瀆作豐伊匹匪棘其欲通遠來孝王后烝哉王公伊  
濯維豐之垣四方攸同王后維翰王后烝哉豐水東注  
維禹之績四方攸同皇王維辟皇王烝哉編京辟廬自  
西自東自南自北無思不服皇王烝哉考卜維王宅是



詩  
卷一  
十  
鎬京維龜正之武王成之武王烝哉豐水有芑武王豳  
不任詒厥孫謀以燕翼子武王烝哉

下武之後繼以文王有聲二詩相次皆為武王作也  
詩為武王而以文王名詩何也猶言下有武王故文  
王之敬為益大也是故首曰文王有敬適駿有敬文  
王之聖身以不大敬為心敬非文王所尚也文王本  
不尚其聲以武王繼其下是以駿有敬耳文王之什  
凡十詩八為文王二為武王此詩以文王為說則夫  
詩人之旨何以證之作豐文王事也八章之中五章

言作豐後四章專言武王乃以作豐首尾歸之見文  
武之道一也文王不及乎錫武王實同乎豐也別而  
為八者見文武之時事異也八章皆以然哉見文武  
之君道同也孔子專以文武並稱言其無間然也前  
後二聖相繼而作故文王之不大教者至此而大有  
教所以繼于下武之次也在文王不當以教言、文  
王之教者當以武王言也道亦述之意述之而大有  
教述之而求所安天下述之而觀其所以成而文王  
之君道愈尊矣二章言文王伐崇作豐之實也崇之

負固見于皇矣之卒章天放文王定都之業崇述于  
幽不容于不滅之而四方皆服者天下之所同弄  
也故二章專言之三章首言築城圍圉所宜先也築  
新城鑿斯池以建都焉其都正與岐陽相匹爾非欲  
備天子之制但欲述大王之事元失其孝爾周自大  
王肇基王迹至是則友邦諸侯交歸之文王苟遜而  
不居則大王實始翦商之業安所屬哉文王之都豈  
雖未及乎追王之盛而成大王之業者寔係乎此非  
詩人安足以知之此所以明文王之心乎四章王公

伊淮呂成公引王公設險之言甚當王公之制其國  
有池有城天下諸侯同歸以為周家藩翰也惟此兩  
章言王后謂諸侯之會朝覲之歸周至是始王矣所  
以王者有諸侯藩翰同尊乎周不得不王此正其名  
位于文王也五章復以四方攸同並言武王謂武王  
既伐商諸侯之同歸同于文王之名位益大乃以  
豐水為言者何也定都于豐指豐水以見高功績尚  
服以正萬邦故稱皇王六章言疆土之益肆身作豐  
雖在文王定鎬寔在武王豐鎬固不相遠曰鎬京者

以大言也。猶京師備天子之制，詩凡八章，所稱文王在前二章，稱武王在後二章。若尊文王而武王非可並者也。猶下武之意，所稱各不同。其稱烝哉，則一猶孟子言君哉舜也。伯益言為天下君，同旨。以書求之，豈所以立廟，錫所以為邦。周家建國之法，自如此。周公之作洛邑，以立宗廟，作下都，名之以成周，以廷商民。前此所无，若自周家始有此制耳。史都之大制度之備，獨以辟廱為言者，見學校之當先，而人材之當急，所以統一四海者在此而已。後二章始正其名曰

武王且二章以作邑繫之文王謂文王以定都會諸  
侯也七章以宅錫條之武王謂武王以宅錫統天下  
也天之成命二后均受之者也卒章以王業之大由  
賢者所致以得賢而久邑水草也喻賢才之衆也武  
王所以遺其子孫者非以王業之大土地之廣惟人  
才之衆而已人才以豐水言見其作成長育自錫京  
辟雖起而非一日之積也

生民

厥初生民時維姜嫄生民如何克禋克祀以弗克子履

帝武敏歆介歆止載震載夙載生載育時維后稷誕  
彌厥月先生如達不拆不剝无葛无害以赫厥靈上帝  
不寧不康禮祀居然生子誕寔之隘卷牛羊腓字之誕  
寔之平林會伐平林誕寔之寒水鳥覆翼之鳥乃去矣  
后稷呱矣寔覃寔訂厥敷載路誕寔南亩克岐克嶷以  
就口食茲之荏菽荏菽栉：木後稷：麻女懷：瓜瓞  
喙：誕后稷之穉有相之道第厥豐年種之黃茂寔方  
寔苞寔種寔袞寔稌寔秀寔堅寔好寔穎寔粟即有卽  
家室誕降嘉種維秬維秠維糜維芑恒之秬秠是穫是

故恒之縻芑是任是負以歸肇祀誕我祀如何或春或  
榆或歎或疎釋之叟：烝之浮、載錫載惟取蕭休賄  
取玆以較載燔載烈以興嗣歲印或于五于五于登其  
香怡升上帝居歆胡臭亶時后稷肇祀庶無罪悔以迄  
于今

以生民名詩說者殆若謂后稷之生尔抑后稷能生  
民之生故以生民名詩耶綿之詩亦指后稷之初也  
曰民之初生自土沮漆沮漆后稷所封之國作詩者  
亦以初興生為言豈茹毛飲血之世民有不粒食者



矣天地之大德曰生是以生此後稷教民稼穡民始  
蕃息而萬物亦生之而不窮不然何以二詩之辭皆  
以生為言同歸之後稷哉仲尼之編詩也豈以詭異  
為王業之始若玄鳥降而生商同旨乎詩人之所述  
仲尼不以為非也天地之鍾稷如松楸之生甫及申  
聰明之作元后仲尼不得而沒也因其至異以著其  
至常仲尼所以垂訓也詩人申言生民如何克禮克  
祀以弗無子常禮之所始也以始肇祀上帝居敬常  
禮之所終也攸介攸止不康禮祀虔變之心也寔單

寔許克以克寔順變之道也故闕宮有赫、姜嫄其  
德不回之皞然則姜嫄之德其果有出乎其類者矣  
方其履帝武之初倏然若有所感故曰歆歆姜嫄則  
介然凝止其心為之震惧為之肅良蓋以此為惧矣  
及后稷之生自誕弥厥月至居然生子居然猶遽然  
也姜嫄惡其不祥而弃之雖不析不副先哲无害若  
足以赫其靈姜嫄以其異而逆知上帝之命豈敢忝  
然自安以為足以當天之眷哉且姜嫄既不以前日  
禮祀之感而遽康之深惡其不祥是以弃之屢至后

穀不矣是非人之所能為也天也天之屬意于生民  
如此雖終名之以弃亦不可得而棄矣後世不知詩  
人之旨乃謂姜嫄歎然豈理也哉矧姜嫄不回之  
聖德乎五章有相之道凡穀所種植者若有天相之  
若百穀之種皆單也皆土之毛也穀第其豐單擇其  
種之黃茂者黃取其能實茂取其能滋者而樹毓之  
故方苞種稂發秀堅好穎粟百穀各盡其物之性而  
民皆粒食矣堯封之有卽卽就也猶芮鞠之卽之卽  
就有卽而立國焉六章誕降嘉種以言之稷降播種

農殖嘉穀言之則稷之所以教民者非可神之以為  
天所降也。以詩人之旨言之不必以詭異為可測其  
理。自是詩人不敢輕褻其事。謂天之所降如貽我來  
年。帝命卑育尊崇。稼穡之意自如。此知復帝  
武之說不必以為媒。謂復帝嘗之跡行將事齊。故可  
也。降之在天。恒之在人。恒之者有道。故獲畝任員。歸  
而肇祀。報本于天也。七章專言肇祀之事。泂卜來歲  
之稼。矣。八章推后稷肇祀之盛美也。書稱肇我民惟  
元。祀以為酒也。酒所以格神也。豈皆由祀事而作歟。

狄儀禹之臣蓋亦同時馨香由黍稷而致大要在黍  
稷其感格至于上帝之數為後嗣者尚以後稷之心  
謂庶几無罪悔其兢畏可知后稷猶以此為言則子  
孫之兢畏又可知矣故曰以遠于今不但止于祀事  
也此詩周人推本后稷之業其郊祀后稷以配天亦  
禮之大者也是以本章以奉祀為言于魯之用郊何  
預乎就使魯僭用之非詩人之本旨也按春秋書郊  
皆不同惟宣公三年成公七年之郊用建子之月則  
冬至報本之郊也二郊皆以下不吉而不郊其他卜

郊皆以夏四月則仲春祈穀之郊也春秋常事不書  
因改卜郊而書他之不卜者魯皆僭之矣詩何預焉  
況肇祀如書酒誥言文王肇我民惟元祀同緯非為  
郊言也因揣搜而肇祀凡祀皆自此始矣

### 行箒

教彼行箒牛羊勿踐履方苞方體維葉泥、戚、兄弟  
莫遠其尔或肆之筵或設之几肆筵設席搜几有緝御  
或獻或酢洗爵奠饗醑以荐或燔或炙嘉穀脾臠或  
歌或琴教子既整四饋既鈞舍矢既均序賓以賢教子

既句既換四銀四銀如樹序賓以不侮曾孫維主酒醴  
維醕酌以大斗以析黃者黃者台背以引以翼壽考維  
祺以介景福

以行箚名詩為首章存其義一詩始末皆所以接親  
賢也與行葦何預焉似是成周睦族敬賢尊老之詩  
葦以行言行道之革易踐者也愛心無由而起乃致  
其愛使牛羊勿踐愛之至也葦无可愛之理也而猶  
若是似是與周家厚于親疎少長之意無往而不致  
其愛猶貽虞之仁无微賤皆有仁心焉此周家王道

之極至也故自兄弟及賓客自飲食以及燕射自苞  
体以及壽考無所不用其情焉是蓋以其所不當愛  
而觀其所甚愛其間兩章言教弓序賓立德行者莫  
若射君子無所爭之事前後意若不類而重言之者  
必有以也豈其所以燕兄弟賓友者必以禮節之以  
德觀之乎七章皆以曾孫為言為成王敬老言也以  
黃者之壽又從而析之引之尊事之意先窮也介尔  
景福曾孫所以屬黃者非自成其福祿也名詩者以  
其情與理、所不宜及者皆致其愛敬故所以謂之



行箚歎言周家至仁之意也

既醉

既醉以酒既飽以德君子萬年介爾景福既醉以酒  
爾既將君子萬年介爾昭明昭明有融高朗令終令終  
有倣公尸嘉告其告維何遠且靜嘉朋友攸輯以威  
儀威儀孔時君子有孝子孝子不匱永錫爾類其類維  
何宜家之臺君子萬年永錫祚胤其胤維何天被爾祿  
君子萬年景命有僕其僕維何釐爾女士釐爾女士從  
以孫子

說此詩者似若都去一既字曾不知詩人之言實在  
此字也故申言以既飽為既醉既飽者然樂以復之  
事飲之以酒以觀其不乱今此詩之旨又不止是君  
臣相悅有祈為有頌為猶以為未也合神人以同其  
情合君臣以嚴其禮辟將先與為鍾鼓不及為朋友  
父子室家子孫皆成德之度皆成周既醉以後之事  
也夫豈壹醉日富之風哉醉之後猶可歌為其他可  
知也孟子亦曰言飽乎仁義也故其詩皆與然樂之  
詩不同惟一二六七四章言君子萬年愛君之情為

矣首章以景福為先其後皆致福之道也詩以德為  
主旅酌述下之中而備其頌禱期望之意二章因酒  
散而介以昭明昭明者君道之難能者也常志于有  
始无終先期之以盡終乃曰今終必有始以一時之  
已盡者猶未足以言善始也託之公尸而告之為詩  
人之致意誠不薄矣自人主之明而使其羣臣皆稱  
其禮而先歎至于嗣守之益裕孝治之自形而後  
可以信天眷于无窮而福祿之致惟在于妃后之賢  
人才之衆而後周家之得天命者果可以于萬斯年

也矣此皆于德將无醉之後致其忠愛之詞  
章介尔景福之詞不然則夫詩人期望之意矣成王  
之正大雅以是為首必有天者存焉豈但以辞音訓  
詰之道而已哉但令終一辞多以為考終命雖三代  
盛時无後世之嫌但語意非是備五福之旨其曰令  
終有做、始也期之以有始有卒者也

鳧鷖

鳧鷖在涇公尸來燕來寧尔酒既清尔散既馨公尸燕  
飲福祿來或鳧鷖在沙公尸來燕來宜尔酒既多尔散

既嘉公尸燕飲福祿來為鳧鷖在諸公尸來燕來處尔  
酒既滑尔般伊脯公尸燕飲福祿來下鳧鷖在康公尸  
來燕來宗既燕于宗福祿攸降公尸燕飲福祿來崇鳧  
鷖在壹公尸來止烹：旨酒飲：煇灰芬：公尸燕飲  
先有後艱

鳧鷖之名詩終始蓋一意也特其意艱知耳詳此詩  
旨成周禮樂大備既祭而澤必及下故此詩作鳧鷖  
水禽尔似托鳧鷖以為祥而其旨在淫也沙渚深堂  
皆公淫以為義也每章皆什其音謂成王之都于鎬

在豈水之傍二京相距不遠皆夾豈水今不以豈水  
起義而以涇水起義涇濁流也所謂涇水一石其泥  
數斗且去鎬京為遠禹貢雍州之地涇屬渭納渭至  
清者也涇以渭濁今捨渭與豈而遠取義于涇禹貢  
東會于涇又東會于涇固自顯然水禽先擇于清濁  
者也此詩反覆言之旨其在此水會得將于清水宜  
也今自涇而沙而濁汨于濁流矣將沉溺于濁故  
養養于福祿而忘其有艱難者乎而卒章以魚、欣  
欣言其情之變而終之曰先有後艱非詩人箴戒之

絜乎每章兩言公尸與既醉之三章公尸嘉告同音  
要是祭澤之中託公尸以致告使人主致思焉祭絜  
曰率其羣臣以樂皇尸鄭曰皇君之尊之也即此詩  
公尸之義祭祀之時公尸尊矣祭絜曰尸飲五飲七  
飲九故以燕飲也五章皆同醉四章皆言未燕悞成  
王拘其可樂而思其可憂託公尸以感動之似是施  
祭澤之詩也

做樂

假樂君子顯、令德宜民宜人受祿于天保右命之自

天申之于祿百福子孫千億穆、皇、宜君宜王不愆  
不忘率由舊章威儀抑々德音秩々無怨無惡率由羣  
匹受福無疆四方之綱之綱之紀燕及朋友百辟卿士  
媚于天子不解于位民之攸墜

假之訓嘉雖若遠而无據然亦有嘉之義焉是詩有  
深旨殆與虞廷舜皋賡歌同意特賡歌辭直而多戒  
假與辭婉非專于美也讀此詩自既醉以來及于卷  
阿雅：穆、如春風詠歸之時泰和之象煥然可觀  
是詩正是持盈守成之意與垂拱无為坐視天民同



風也無叢性率作之戒而有其義先時幾屢省之祥  
而用其道者也首章謂德與民相宜、之為義博矣  
二章所宜在君謂其穆、望、淵默元為聖人之德  
也而不適于事惟憲章是循耳三章抑、著于容秩  
秩延于聞怨惡不形而我無容其心羣匹是率而下  
得盡其才綱舉于上而萬目自隨矣卒章以綱紀素  
立梁不可紊而君臣之情煥然相得皆有以自竭而  
无地怨之弊此蓋成周君臣以此持守詩人知之發  
于歌詠寔與虞廷賡歌同符而其用也此均所以為

泰和也歟

公劉

篤公劉匪居匪康迺場迺疆迺積迺倉迺裹餼稂于素  
于囊思輯用光弓矢斯張干戈滅揚爰方啟行篤公劉  
于胥斯原既庶既繁既順迺宣而允承歎陟則在岷後  
降在原何以舟之維玉及瑤輝珠容刃篤公劉遊彼百  
泉瞻彼潯原迺陟南岡乃覲于京、師之野于時處、  
于時序旅于時言、于時福、篤公劉于京斯依賡、  
濟、俾筮俾几既登乃依乃邁其會執豕于牢酌之用

乾食之飲之居之采之篤公劉既濟既長既景迺罔相  
其陰陽觀其流泉其軍三單度其阻原徹田為犂度其  
夕陽幽居允荒篤公劉于幽斯館涉渭為亂取厲取鍛  
止基迺理爰衆爰有夾其皇潤逝其過罔止旅迺密芮  
鞠之即

是詩與七月同旨七月可謂探博乃繁之風此詩簡  
直而列之大雅豈周公有未及于召公者乎必有大  
旨存焉詳觀此詩雖為成王而作寔次于生民生民  
后稷之開基也是詩公劉之成烈也君謂王業不但

始于大王在公劉已基之矣周公召公推明立國之  
本出于追王之上深言公劉與周之所自來即七月  
所謂王業之本也幽者公劉之所遷七月幽風周召  
推本王業上不及邠下不及岐本公劉也后稷之後  
已微非公劉用力之勤則后稷之業墜矣毛氏謂夏  
之始哀公劉見追遠遂平西戎遷邑以立于幽傳記  
雖不詳其事以此詩攷之則可信毛必有所據而云  
然言周者以幽不以邠公劉始通于稷乎特舉其初  
爾公劉弃其場圃之舊以拓國于幽有太王去邠之

風大王之避狄用公劉之故轍也書曰克篤前烈詩  
曰篤公劉所謂篤者因其初而厚之也此詩首末止  
言迂幽一事其于成王守成之業若先預非若幽七  
月專言農事其致戒成王若書之先逸也然則序詩  
者蓋模倣詩人之旨而不近似乎后稷以農事開基  
再傳至鞠陶因已新然矣公劉之篤前烈脩后稷之  
事乃不于邠而闢土于幽者公劉之邠非興國之地  
其俗已敝其他又備于戎雖后稷復生亦不能不徵  
肇國于幽故此詩次章曰既庶既繁其人民之宜也

既順而安矣乃遂宣揚之為土風之淳美可以久長  
而先後報故曰元永嘆此迂曲之本旨也首章所謂  
匪居匪康先治其疆場知不可以久而遠之焉蓋非  
輕于去郤也所謂遠夏人之亂者詩無之也積倉餼  
糧矣又備弓矢于戈焉豈不以夏人之亂乎二章之  
言玉璫琕琕詩人本與首章弓矢于戈對言弓矢于  
戈言其禦亂玉璫琕琕言其備文一為相宅之謀而  
疆場不殊遠已雍容然安煥乎有文矣三章已有都  
邑氣象君民相孚如家人惟諾矣四章而文物漸備

雖未及乎禮樂粗且之風經紀其民大約舉焉五章  
立國之度兵制四制此固百世而長之法也故曰幽  
居允荒六章關土聚民、居之小事上之人悉從而  
相佑之遡法緘厲見其為民之計如此之恪也其關  
革業披荆棘用力如此其艱也召公備序一時艱難  
之業明周之王業自微而積者不足為公劉多其所  
以與民相為一体凡若家人婦子同氣之愛終始次  
第如此明恪故能得民之心以為王業基本數傳至  
于大王民之從之不容自捨王迹之肇寔有所本使

成王不以逸而忘之也周家之礼郊祀后稷而下不  
及公劉周之追王大王而上不及公劉二公獨于幽  
雅二詩焉：古之盖礼者天下萬世之共守不可踰  
越而興王之事所以推明所本者佐命大臣所宜發  
揚不可以常典言而成王所宜心知者也後世之所  
矧襲者皆公劉之蹟也又大王之所本乎

洞酌

洞酌彼行潦挹彼注兹可以餘醑豈弟君子民之父母  
洞酌彼行潦挹彼注兹可以濯盥豈弟君子民之攸歸



洞酌彼行潦挹彼注兹可以濯漑豈弟君子民之攸暨  
詩意殆未易知三章之辭簡直平易非若有深遠難  
窮之義而為成王之正大雅凡雅之歌頌一于稱美  
无所寄興未有若此詩之渾純也然則所戒為何事  
乎竊意詩之每章有二彼字一茲字所異者第三句  
耳亦非取義之本旨也大要言人君之重用其民以  
為格神保國之道耳民至微也至遠也人君之享有  
天下必倚之以為重猶祭祀之用水也故以洞酌為  
名酌之于彼者行潦之水尔挹之于此者非罇蠶蠶

筭之器乎在彼如此其微在茲如此其重矣饒錯以  
苻黍稷者也滋蟲滋漑以苻牲酒者也故繼之曰豈  
弟君子豈弟近民之德也人君用此以為感格天地  
保有天命者在此而已惟此詩一章經于一章饒錯  
父母重莫如鳥所本者大不容有加自是以徃餘放  
之存猶可以交于神明焉是以三章皆歸于豈弟之  
君子歟

卷阿

有卷者阿颯風自南豈弟君子來將來歌以矢其音猗

真尔游矣優游尔休矣豈弟君子俾爾弥尔性似先公  
首矣爾土宇畷章亦孔之厚矣豈弟君子俾尔弥尔性  
百神尔主矣尔受命长矣弟禄尔康矣豈弟君子俾尔  
弥尔性純嘏尔常矣有馮有翼有孝有德以引以翼豈  
弟君子四方為則頌之邛、如、珪、如、璋、令、聞、令、望、豈、弟  
君子四方為綱鳳皇于飛翺、其羽亦集爰止焉、王  
多言士維君子使媚于天子鳳皇于飛翺、其羽亦傳  
于天鶴、王多言人惟君子命媚于庶人鳳皇鳴矣于  
彼高岡梧桐生矣于彼朝陽萃、萋、薺、雖、喑、君子

之車既庶且多君子之馬既閑且馳矢詩不多維以遂  
歌

是詩之辭甚博大其音甚微以卷阿名詩首章微發  
其端他章不及焉且其中其義也阿之為山阿固也  
山阿之卷曲所以蓄風也山下有風于卦為蠱物為  
之梳亂也詩謂南山烈烈：飄風發發：風之震梳也皆  
以風為害莫知所以為美也而此詩為成王或時正  
大雅首章取義于山風不亦異乎况名詩以卷阿謂  
山阿之卷曲而風長卷之氣回旋盤礴于其間乃有

後游自得之旨詩之大体然矣大旨不外是也詩言  
豈弟君子多指人主此不可專以人主為義惟二三四言  
五六兩章似指賢者不得以人主為義惟二三四言  
豈弟君子指成王言之也凡詩多以首末二章寓要  
旨焉此詩獨不尔首章似言君道廣大樂易為賢者  
所歸赴皆得以盡其情音以歌起義也下三章皆以  
尔言皆曰俾尔弥尔性俾之者賢才也所以使之者  
在君：之基本獨異故賢者能使其同于古格于神  
保其福也又次兩章則以賢才為主所以為民之則

為治之綱者豈第君子合君臣言之也自此以前明  
良會遇之或君臣相得之道誠為至治之極矣又次  
三章皆以鳳皇起義章皆六句矣亦集爰止：其卯  
也于止知其所止為國光華故曰栖于天子亦傳于  
天猶鶩飛戾天也萬夫之望故曰栖于庶人吉士以  
在朝言吉人以分治言也吉鳳皇之飛翬才之歸也  
九章言其鳴謂樂論竽瑟不世出之音為王者之美  
瑞周公謂為鳥不聞者今聞之矣不如是不足以終  
成周大雅之詩或矣哉此蕭韶九成之美也卒章不

通形容賢才衆多歌詠不迭以盡之意

民勞

民亦勞止汜可小康惠此中國以綏四方無縱詭隨以  
謹無良式遏寇虐憊不畏明柔遠能迩以定我王民亦  
勞止汜可小休惠此中國以為民逖先縱詭隨以謹怡  
淑式遏寇虐先俾民憂先弁爾勞以為王休民亦勞止  
汜可小息惠此京師以綏四國無縱詭隨以謹罔極式  
遏寇虐先俾作慝敬慎戒儀以迓有德民亦勞止汜可  
小惕惠此中國俾民憂泄先縱詭隨以謹醜屬式遏寇

虐無俾正敗戎雖小子而式弘大民亦勞止化可小安  
惠此中國、先有殘無縱詭隨以綏綏終式道寇虐元  
俾正反王欲玉女是用大鍊

是詩每章皆三致其意民亦勞止一也無縱詭隨二  
也卒乃以正義為歸宿焉故最後兩章其首皆正大  
望其君者甚不薄孟子致王之旨也當時厲王猶足  
用為善耶聖人列之于大雅且以為喪雅之首誠深  
矣哉詩人察見互隱以為小人之辨其始入也必自  
順違人意始故其終常坑為寇為虐夫詭進以隨人



人必悅之故五章皆以為戒先吳胡者戒之至也始  
之少縱則其心肆矣故其為寇為虐始但不畏志而  
已浸而為民憂又至于作惡至于敗壞至于盡及其  
正理則不可加矣不但為國之殘破而已四章戎雖  
小子而式弘大似不必泥戎字以戎為女其理固優  
此章上以中國為言則戎為戎狄也詩人豈逆見于  
百餘年之前知周家將有戎禍乎是以微致其意小  
于鄙之、詞也抑之詩曰脩尔車馬弓矢戎兵用戒  
戎作用邊蠻方意與此相似當時戎狄雜處中國如

本朝瀘洲之志雷公使虜極言虜必遺患亦見于百  
年之前

藝祖心欲都秦謂他日必敵于兵其見固遠也

板

上帝板：下民卒瘁出話不然為猶不遠靡聖管：不  
寃于重猶之未遠先用大諫天之方難无然憲：天之  
方厥無然泄：辭之輯矣民之洽矣辭之懌矣民之莫  
矣我雖其事及尔同寮我即尔謀聽我冀：我言維服  
勿以為笑先民有言拘于局羌天之方虐无然轄：老

夫濫、小子瑯、匪我言耄尔用憂、謀多將、燭、不可  
救、藥天之方、情無為、夸毗、威儀、卒迷、暑人、載尸、民之方  
駸、厥則、莫我、敢葵、喪亂、蔑資、曾莫、患哉、師天之膺、民如  
堦、如麓、如璋、如圭、如取、如携、无曰、益牖、民孔、易民之  
多、辟无、自立、辟价、人維、藩大師、維垣、大邦、維屏、大衆、維  
翰、懷德、維寧、宗子、維城、无俾、城壞、无獨、斯長、敬天之怒  
无敢、戲豫、敬天之渝、无敢、馳驅、昊天、曰明、及尔、出王、昊  
天曰、且及、尔游、衍

板之訓、姑為、反不知、何所、取義、乎、莫以其、字從、反故

傍緣為之訓耳固有不通者焉捨訓詁而臆為之說  
直心所安詳思古今地理言語不盡同也惟板之義  
則同曰板築曰縮板曰不沒者三板未嘗有他義也  
以是求之亦猶戰國之連衡漢書之衡決乎无臂指  
聯屬之勢也故名詩以板詩之辭多不可解不容模  
倣者止從訓詁而逆其意亦足矣厲王在位三十有  
七年而奔于虢又明年周召共和者十有四年而後  
宣王立是詩作于奔虢之後共和之前故曰喪亂曰  
不可救藥曰无俾城壞當時事勢可以想見諸侯解

體王室孤立天下之勢如板之直不可屈伸故曰威  
儀卒迷善人載尸詳此則名詩之義與作詩之旨得  
矣序詩者但曰刺厲王蓋未知所刺何事以詩詞之  
可證者何說也似若羣小陷溺厲王之心以自恣使  
致禍亂王已出奔而羣小之恣睢方甚在朝之賢思  
所以正救之而有是詩也其曰我雖具事及尔同寮  
我即尔謀聽我笄、匪我言耄尔用憂懼則指其在  
位之同列于厲王先預審矣曰戲豫曰馳驅曰游衍  
曰譖、剛在位之恣睢可見七章序諸侯屏翰之義

則厲王之失諸侯諸侯不克蕃衛亦可見由是言之  
出王為奔流甚明安在王字而可以從為訓者哉詩  
旨未嘗不曰序詩者不能知而誤後學尔一章所謂  
上帝者指王也猶蕩、上帝毛曰上帝以託君王也  
刺詩多以王言天以帝言王、不能用天下之勢而  
天下叛之者也此章凡二猶逸必有所指豈以其豎  
諄乎不然則所以為謀者悖矣故首章專以猶為言  
二章所謂辭之輯辭之洽即首章出語不然之意泄  
泄誠如孟子先義先禮之風亦與詩旨相應特憲、

之義不可知豈膏軒、乎興禍難相及故也三章言  
尔我君相告語者使果為凡伯所作則必告崇夷公  
之語也崇夷公之專利見于傳記是詩不及抑不為  
崇夷公作乎以故揚者言之則厲王亦虐矣故四章  
言天之方虐又曰多將熯、虐熯之恭也老夫小子  
皆一時得志之人也殷原以呻吟為訓美可知當時  
國人聚而流王于流又困太子紆于召公之家召公  
以其子代之而宣王脱于難此殷原之謂也故曰美  
我敢蔡曰幾甞无所資助也曾莫患我師豈為崇夷

公專利發乎六章以後乃以正理言之牖之訓道未  
有他比也牖明也天之明民也燠荒和也主璋溫也  
取携不可捨也今獨携而執之使王不得及則天之  
明民者變易甚矣當時屬王火民心民各為其主所  
用將沉屬王而自立其君者也補左傳三公子皆君  
也與後世上辟音僻下辟音法不同詩音不貫也七  
章別言宗子而繼言城壞重同姓也德若少愆而宗  
子匹休者也城壞則為獨立斯可畏矣和兄弟以蕃  
王宣可也八章所謂偷者變也天道甚明指出王為



尔非天下所共王也指厲王之黨也馳驅謂奔放也  
天道不可恃倏然而變矣及王之出居于外可以蓄  
新及尔間暇之時可以早為之而也以此求之則詩  
之旨大略得矣君徇訓誥則類皆空而不可知也此  
詩其警厲王之嬖臣欵左傳謂吾嘗同僚敢不盡心  
昔趙盾與士會同心事君諫不入刑子繼之今同僚  
諫君而皆以為笑笑說文踰、舉足高也以此觀之  
是踰怠之意也劉向新序曰老夫灌、小子踰、言  
老夫欲盡其言明踰而不受也踰、盛也說文曰大

然貌是亦熾盛之意夸毗尔雅曰体柔也言天方震  
怒王何為憍而不能自立今威儀皆迭乱其无立志  
可知也當世善人但尸位不敢出言也苟能順天理  
以膺民則如燠菟之和應立碑之和合取携之甚易  
也膺如循、善誘之誘人之生也皆有固有之性因  
其善性則教不易而成苟求多于民則膺民之道喪  
易矣益者言无求多也碑作僻字讀古今之民既多  
邪僻矣王又為邪僻則何以膺民哉价人或以為大  
人或以為善人或以為掌軍事者无所經見姑存之

馳驅自肆也夫所謂天者豈遠哉陟降厥士日荃在  
茲昊天曰明及尔出王與尔將衍不可以遠而忽也  
文王陟在帝左右豈屬王所能亦凡伯責難于君之  
意

詩說卷第十